



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the BiH

GODINA: XIV

BROJ: 236

DATUM: 10.2.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana 15. sjednica Predsjedništva Skupštine Saveza	1
Sjednica Predsjedništva Skupštine Saveza u medijima	1
Održan sastanak načelnika/ gradonačelnika Hercegovačko- neretvanskog kantona	2
U naredne četiri godine Vlada Švicarske izdava 70 miliona KM za jačanje lokalne uprave	2
Bosanska Krupa, Cazin i Bužim formiraju zajednički centar za održivo upravljanje otpadom	3
Na sastanku predstavnika devet općina data jednoglasna podrška aktivnostima koje vodi Općina Jablanica	4
Kalesija dobija proizvodni pogon u kojem će posao naći preko 50 radnika	5
Tomislavgrad dobio milijun eura za projekt Kulturna ruta bećarca i gange	5
Načelnik Midhat Husić podržao državni projekat zatvaranja kolektivnih centara u Banovićima	6
Goražde i Gera u novom partnerstvu na projektu Vlade Republike Njemačke	7
Prezentiran idejni projekt za sanaciju deponije komunalnog otpada "Stražnica"	8
U junu početak rada Centra za ranu rehabilitaciju djece sa autizmom	8
Forum u Sarajevu: Ekonomija je ključ svega i mora biti ispred politike	9
Općina Centar organizira odlazak osnove u Narodno pozorište	10
Na Igmanu i Bjelešnici 450 djevojčica i dječaka učit će skijati	10
U Mostaru će se održati 1. festival kave, čokolade i delicija	11

Bilten Saveza općina i gradova Federacije Bosne i Hercegovine

ODRŽANA 15. SJEDNICA PREDSJEDNIŠTVA SKUPŠTINE SAVEZA



Petnaesta sjednica Predsjedništva Skupštine Saveza općina i gradova Federacije BiH održana je 08.02.2017. godine u Općini Vogošća. Na ovoj sjednici Predsjedništvo je informisano o zaključcima sa Tematske sjednice Saveza općina i gradova Federacije BiH koja je održana 25.01.2017. godine u Travniku na temu Prijedloga Zakona o zaštiti ljudi i materijalnih dobara od prirodnih i drugih nesreća. Predsjedništvo je podržalo zaključke sa ove tematske

sjednice i to: da se pri donošenju ovog, ali i ostalih zakona poštuju Evropska povelja o lokalnoj samoupravi i Zakon o principima lokalne samouprave u Federaciji BiH po kome su „Federalne, odnosno kantonalne vlasti putem saveza općina i gradova dužne su u najvećoj mogućoj mjeri konsultovati jedinice lokalne samouprave u postupku donošenja propisa koji ih se direktno tiču; da se hitno dogovori sastanak predstavnika Predsjedništva Saveza općina i gradova Federacije BiH i Vlade Federacije BiH; da Predsjedništvo Skupštine Saveza općina i gradova Federacije BiH ne podrži Prijedlog zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća i da Savez općina i gradova Federacije BiH ponovo uputi Vladi Federacije BiH pripremljeni tekst Zakona o zaštiti i spašavanju koji je izradio Savez. Ovom prilikom je Predsjedništvo informisano da je iz Ureda premijera Federacije BiH potvrđeno da će dana 22.02.2017. godine premijer Federacije BiH sa saradnicima primiti delegaciju Saveza na sastanak na temu Prijedloga Zakona o zaštiti ljudi i materijalnih dobara od prirodnih i drugih nesreća. Predsjedništvo Saveza je razmatralo i podržalo zaključke sa sjednice Komisije za ustavna i zakonodavna pitanja i Komisije za razvoj i unapređenje lokalne samouprave a koji se tiču inicijativa za izmjene zakonskih propisa kao što su: Zakon o matičnim knjigama, Zakon o plaćama i naknadama u organima vlasti u Federaciji BiH, Zakon o inspekcijama Federacije BiH, Zakon o zaštiti od požara i vatrogastvu. Istaknuto je da su u toku aktivnosti na pripremi Izborne skupštine Saveza i da traje proces predlaganja kandidata u organe i tijela Saveza. Članovi Predsjedništva su upoznati da je Parlament Federacije BiH usvojio nacrt Zakona o šumama, Zakona o turizmu i Zakona o boravišnoj taksi, te da su u toku javne rasprave o istima tokom kojih će se Savez aktivno uključiti s ciljem lobiranja na zastupanju interesa svojih članica. Također je konstatovano da će pripremno ročište po tužbi Saveza općina i gradova Federacije BiH protiv Federacije BiH u vezi sa otplatom vanjskog duga BiH prema Međunarodnom fondu biti održano 13.03.2017. godine. Predsjedništvo je dalo podršku Zaključcima Vanredne sjednice Općinskog vijeća Jablanica u vezi neprihvatanja Amandmana na Prijedlog prostornog plana područja posebnih obilježja od značaja za Federaciju BiH „Autoceste na Koridoru Vc“.

SJEDNICA PREDSJEDNIŠTVA SKUPŠTINE SAVEZA U MEDIJIMA



08-02-2017 - VOGOŠĆANSKA HRONIKA



83 prikaza



Vogošćanska hronika TV Vogošća

Dnevnik TVSA

ODRŽAN SASTANAK NAČELNIKA/ GRADONAČELNIKA HERCEGOVAČKO- NERETVANSKOG KANTONA

U Mostaru je, 2. februara/ veljače održan sastanak gradonačelnika/ načelnika Hercegovačko-neretvanskog kantona. Sastanku su prisustvovali načelnici općina ili njihovi opunomoćenici, kao i Vesna Travljanin, direktorica Saveza općina i gradova Federacije BiH. Domaćin sastanka je bio Ljubo Bešlić, gradonačelnik Mostara, koji je poželio dobrodošlicu i upoznao prisutne sa ciljevima današnjeg skupa. Direktorica Travljanin je upoznala izabrane zvaničnike sa



radom Saveza, načinom i mogućnostima djelovanja, kao i sa izazovima sa kojima se susreće organizacija. Pored utvrđivanja liste kandidata za organe Saveza, prisutni su iskoristili priliku za razmjenu iskustava i razgovor o stanju i položaju jedinica lokalne samouprave u Federaciji BiH.

U NAREDNE ČETIRI GODINA VLADA ŠVICARSKJE IZDVAJA 70 MILIONA KM ZA JAČANJE LOKALNE UPRAVE



Na konferenciji „Unapređenje lokalne samouprave i pružanja usluga u Bosni i Hercegovini: Postignuća i budući pravci razvoja lokalne samouprave u BiH“, predstavljeni su pristupi i dobre prakse razvoja lokalnih zajednica i pružanja javnih usluga te njihov doprinos boljem kvalitetu života građana u Bosni i Hercegovini. Konferenciju su organizovali Ambasada Švicarske u BiH i Razvojni

program Ujedinjenih nacija u BiH (UNDP BiH). Tom prilikom predstavljena su dva projekta koja značajno doprinose razvoju lokalne samouprave u BiH - Projekat integritanog lokalnog razvoja (ILDP) i Projekat općinskog okolišnog i ekonomskog upravljanja (MEG) - koje finansira Vlada Švicarske, a provodi UNDP BiH. "Tokom proteklih 15 godina Švicarska je investirala velike napore u razvoj demokratskih i učinkovitih lokalnih samouprava u Bosni i Hercegovini. U naredne četiri godine Vlada Švicarske će obezbijediti preko 70 miliona KM za nekoliko projekata na području jačanja lokalne uprave. Ovi projekti će pomoći općinama da učinkovito pružaju usluge svojim građanima i da budu odgovorne prema njima. Podrška uključuje i poboljšanje lokalne infrastrukture sa fokusom na vodu, kao i na pružanje kvalitetnih usluga lokalnom poduzetništvu. Podstičemo građane BiH da aktivno učestvuju u procesima odlučivanja i tako kreiraju vlastitu budućnost", izjavila je Barbara Dätwyler Scheuer, direktorica za saradnju, Ambasada Švicarske u BiH. "ILDP i MEG projekti značajno doprinose jačanju lokalne samouprave i javnih usluga u BiH kao i ubrzanju procesa pristupanja BiH Evropskoj uniji. Projekti postižu lokalni razvoj i kreiranje novih mogućnosti za zapošljavanje, a u konačnici i bolji kvalitet života građana u Bosni i Hercegovini", izjavila je Sezin Sinanoglu, rezidentna predstavnik UNDP-a u BiH. Predstavljenjem konkretnih rezultata ILDP projekta, vrijednog 11 miliona dolara, pokazano je kako strateško planiranje doprinosi unapređenju rada lokalne samouprave i boljem kvalitetu života građana širom BiH.



ILDP i MEG projekti značajno doprinose jačanju lokalne samouprave i javnih usluga u BiH kao i ubrzanju procesa pristupanja BiH Evropskoj uniji. Projekti postižu lokalni razvoj i kreiranje novih mogućnosti za zapošljavanje, a u konačnici i bolji kvalitet života građana u Bosni i Hercegovini", izjavila je Sezin Sinanoglu.

Pored doprinosa harmonizaciji sveukupnih pristupa strateškom planiranju i upravljanju razvojem, ILDP je u 40 općina i gradova pružio konkretnu podršku realizaciji prioritarnih projekata iz strategija razvoja općina i gradova, čime je bitno poboljšano pružanje javnih usluga za skoro 400.000 građana.

Pored toga, u saradnji za entitetskim vladama osigurani su prihodi za 2.400 građana koji rade u poljoprivrednom sektoru, te kreirano više od 500 novih radnih mjesta. Najavljeno je da će nova, treća faza ILDP projekta početi u ovoj 2017. godini. Novi Projekat općinskog okolišnog i ekonomskog upravljanja (MEG), koji je započeo polovinom 2016. godine, predstavlja daljnje aktivnosti na jačanju lokalne samouprave i pružanja javnih usluga u 18 općina i gradova u BiH. Tokom prve faze MEG projekta, vrijedne oko 12 miliona dolara, bit će pružena podrška lokalnim vlastima u unapređenju kvaliteta i dostupnosti javnih usluga i komunalne infrastrukture, te poboljšanje uslova života za najmanje 700.000 građana. Posebna pažnja će biti posvećena socijalno najugroženijim kategorijama stanovništva.

Planirana je i podrška za više od 500 kompanija te kreiranje oko 180 novih radnih mjesta. Na kraju konferencije predstavnici 18 partnerskih jedinica lokalne samouprave potpisali su pisma namjere o učešću u realizaciji MEG projekta.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbic-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Želim naglasiti da mi nismo nikakva konkurencija regionalnoj deponiji o kojoj se govori, mi jednostavno ne možemo čekati da se ta priča završi, a ovo što radimo svakako je kompatibilno onome što će se dešavati ako nekad i bude ta deponija na području USK“, objašnjava načelnik Općine Bosanska Krupa Armin Halitović.

BOSANSKA KRUPA, CAZIN I BUŽIM FORMIRAJU ZAJEDNIČKI CENTAR ZA ODRŽIVO UPRAVLJANJE OTPADOM



Načelnici općina Bosanska Krupa, Cazin i Bužim, te direktori javnih komunalnih preduzeća iz ovih općina potpisali su 9. februara/ veljače sporazum o uspostavljanju zajedničkog centra ili preduzeća za održivo upravljanje otpadom. U sklopu je to međuopćinskog projekta podržanog od strane Švicarske agencije za razvoj (SDC) i Razvojnog programa ujedinjenih nacija (UNDP).

Prva faza projekta koja se završava polovinom ovog mjeseca podrazumijeva

izradu investiciono-tehničke i okolinske dokumentacije za sanaciju i postepeno zatvaranje deponije Meždre-Vlaški Do, uređenje platoa za nabavku i montažu cestovne mostne vage, te potpisivanje sporazuma koji znači uspostavu i funkcionisanje zajedničkog centra. U prvoj fazi centar će biti finansiran srazmjerno vlasničkoj strukturi putem uloženi sredstava osnivača i iz prihoda centra ostvarenih po osnovu odobrenih novčanih sredstava, grantova i donatora. Nakon investicijske faze centar će se finansirati također iz donatorskih sredstava i grantova, ali i iz prihoda naplaćenih pružanjem usluga. „Već postojeća deponija služi sve tri općine i nju ćemo u skladu sa našim današnjim sporazumom profesionalizirati i dovesti u funkciju reciklažnog dvorišta. Vidjeli smo prezentaciju završenih aktivnosti u pripremljenoj fazi samog projekta. Danas smo potpisali sporazum kojim je predviđeno formiranje zajedničkog centra gdje bi naša komunalna preduzeća bili osnivači. U narednim fazama slijede saglasnosti na sporazume, osnivačke akte, te iznalaženje donatorskih i naših sredstava za finalizaciju projekta“, ističe načelnik Općine Bužim Zikrija Duraković.

Postojeća javna komunalna preduzeća otpad trenutno samo voze na deponiju. Zajednički centar će imati pretovarnu i reciklažnu stanicu, dakle bit će u mogućnosti izdvajati i iskorištavati, odnosno unovčavati otpad, a samo onaj potpuno beskoristan voziti na drugu deponiju.

„Sve ovo do sada radili smo po uzoru na zemlje koje su nama bliske a koje su napravile nekoliko koraka ispred nas, npr. Republika Slovenija koja ima svoj plan razvijanja ali i obaveze prema Evropskoj uniji. Uzeli smo općine ili gradove koji se veličinom podudaraju s našim kapacitetima“, kaže direktor JKP „Čistoća“ iz Cazina Sedin Šišić.



Godišnja količina otpada u Cazinu je 15.978,76 m³, u Bosanskoj Krupi 7.204,20 m³, a u Bužimu 3.571,44 m³. Dovoljan je to razlog da ove tri općine krenu u zajedničko rješavanje problema odlaganja i tretiranja otpada, odnosno da prestanu čekati izgradnju regionalne deponije o čemu se priča više od desetljeća. „Želim naglasiti da mi nismo nikakva konkurencija regionalnoj deponiji o kojoj se govori, mi jednostavno ne možemo čekati da se ta priča završi, a ovo što radimo svakako je kompatibilno onome što će se dešavati ako nekad i bude ta deponija na području USK“, objašnjava načelnik Općine Bosanska Krupa Armin Halitović. Prva faza projekta „Održivo upravljanje otpadom“ koja se završava potpisivanjem sporazuma o formiranju zajedničkog centra vrijedna je 159.600 KM. Finansirana je od strane SDC-a i UNDP-a (78.450 KM) i općina: Bosanska Krupa (34.377 KM), Cazin (34.377 KM) i Bužim (9.696 KM).

NA SASTANKU PREDSTAVNIKA DEVET OPĆINA DATA JEDNOGLASNA PODRŠKA AKTIVNOSTIMA KOJE VODI OPĆINA JABLANICA



Predstavnici općina Konjic, Prozor-Rama, Gornji Vakuf-Uskoplje, Bugojno, Donji Vakuf, Jajce, Tomislavgrad i Posušje na održanom sastanku u Jablanici 9.02.2017.godine dali su jednoglasnu podršku aktivnostima koje vodi Općina Jablanica oko neprihvatanja predloženih amandmana Vlade FBiH na Prijedlog Prostornog plana područja posebnih obilježja od značaja za Federaciju BiH „Autoceste na Koridoru Vc“ o kojima će se izjašnjavati delegati Doma naroda Parlamenta

“Molimo struku da iz ušteda koje spominju izrade rješenje i obezbjede sredstva da nam se osigura ono što smo imali usvojeno kroz idejno rješenje i odluku o pristupanju izrade plana posebnih obilježja FBiH”, rekao je načelnik Općine Jablanica Salem Dedić.

FBiH u četvrtak 9.02.2017.godine. Nakon što su se predstavnici spomenutih općina upoznali sa zaključcima sa Vanredne sjednice Općinskog vijeća Jablanica, historijatom aktivnosti oko promjene trase na koridoru Vc na dionici Tarčin-Konjic-Mostar Sjever i pogledali video-prezentaciju općine Jablanica o investiranju, još jednom je ukazano na kršenje Zakona o principima lokalne samouprave i Evropske povelje o lokalnoj samoupravi te data jednoglasna podrška aktivnostima koje vodi Općina Jablanica i Općinski načelnik izražavajući time i stav svojih lokalnih zajednica koje će, budu li se prihvatili amandmani u predloženom obliku i sami naći u prometnoj izolaciji. Podrška općini Jablanica stiže sa svih strana pa je jedna takva stigla i od Saveza općina i gradova FBiH čije je Predsjedništvo SOGFBiH podžalo zaključke sa vanredne sjednice Općinskog vijeća Jablanica, a podršku su dali i građani općina Prozor-Rama, Gornji Vakuf-Uskoplje, Bugojno i Donji Vakuf potpisavši blizu četiri hiljade peticija. Podršku aktivnostima općine Jablanica dao je i Ivan Lončar, Predsjedavajući OV-a Posušje: „Općina Posušje je podržala inicijativu općine Jablanica još prije tri-četiri godine kad se počela stvarati priča oko nove trase. Mi smo preko Blidinja povezani trasom prema Sarajevu, pa će se ovim predloženim rješenjem naša povezanost izbjeći. Općina Posušje, Tomislavgrad i vjerovatno Livno bi voljeli da ovaj priključak u Jablanici postoji, a na struci je da to odredi“. O sastanku Općinski načelnik Salem Dedić kaže: „Izražavam zadovoljstvo da su se danas u Jablanici okupili predstavnici općina koje daju podršku općini Jablanica. Ukoliko se usvoje predloženi amandmani na priči od 2014.godine a odnose se na optimizaciju trase koridora na ovoj dionici kroz Prenj, onda će sve ove općine biti u privrednoj izolaciji. Putevi se, osim zbog transporta grade i zbog naroda. Mora se uzeti u obzir mišljenje građana, privrednog razvoja, prostornih planova naše i drugih općina jer smo mi predviđali izgradnju poslovnih zona zbog privrednog razvoja. Sva moja nastojanja i aktivnosti koje vodim, zajedno sa ovim općinama usmjerena su u pravcu da dobijemo akt Doma naroda parlamenta FBiH koji će kazati da se na ovaj ili onaj način riješi priključak na koridor Vc ovim općinama. Molimo struku da iz ušteda koje spominju izrade rješenje i obezbjede sredstva da nam se osigura ono što smo imali usvojeno kroz idejno rješenje i odluku o pristupanju izrade plana posebnih obilježja FBiH.”



Grb Općine Jablanica

KALESIJA DOBIJA PROIZVODNI POGON U KOJEM ĆE POSAO NAĆI PREKO 50 RADNIKA



Općina Kalesija će za nekoliko mjeseci dobiti novi proizvodni pogon iz oblasti metalske industrije, u kojem će posao dobiti pedeset i više nezaposlenih osoba. Vlasnik kompanije "Kovis Metallbau G.M.B.H." je Kalesijac Ibri Pjanić, koji već godinama uspješno posluje u Sloveniji, a u ovoj godini planira otvoriti proizvodnu halu u općini Kalesija. Pjanić je 9. februara/ veljače u razgovoru sa općinskim načelnikom Seadom Džafićem konkretizovao dogovor u vezi sa otvaranjem pogona na području općine Kalesija. "Radimo razne konstrukcije, reduktore, sve što se može napraviti od željeza, od crnog do bijelog materijala. Sve naše

proizvode, uglavnom, izvozimo od Njemačke, Austrije, Meksika, Saudijske Arabije, Jordana, Rusije...Firma je registrovana u BiH i već sljedećeg mjeseca, u prvoj fazi, planiramo uposliti oko 20-tak radnika sa područja općine Kalesija. Firma je trenutno registrovana u Živinicama, gdje imamo vlastiti poslovni prostor. U razgovoru sa načelnikom Džafićem već smo 99 % stvari dogovorili da od maja mjeseca ove godine dio proizvodnje preselimo u Kalesiju", kazao je Pjanić i dodao da planira uposliti više od 50 radnika sa područja kalesijske općine. Naglasio je da je trenutno više od 80 % uposlenih u njegovoj firmi u Mariboru sa područja općine Kalesija. Općinski načelnik Sead Džafić je izrazio zadovoljstvo što će se na području naše općine otvoriti još jedan proizvodni pogon u kojem će posao naći desetine nezaposlenih. Po njegovim riječima općina Kalesija će učiniti sve da Pjaniću, ali i svim drugim potencijalnim investitorima, omogući što brže dobijanje neophodne dokumentacije. "Prije svega želim da se zahvalim našem sugrađaninu Ibri Pjaniću koji je kod mene došao sa zahtjevom da dio proizvodnje prenese na područje općine Kalesija. Učinit ću sve da za Ibri i sve druge koji žele investirati u Kalesiju radimo danonoćno kako bi što prije dobili potrebne papire i zemljište koje je na raspolaganju svim budućim investitorima", istakao je Džafić. Džafić je napomenuo da je Pjaniću ponudio tri lokacije za gradnju hale, ali će se ovaj pogon, najvjerovatnije, biti izgrađen u industrijskoj zoni u blizini TC „Omega“ u Kalesiji Gornjoj. Pjanić je za kraj istakao da će mu u proizvodnom pogonu u Kalesiji trebati radnika raznih profila, prije svega metalske i elektro struke, ali nije isključena ni mogućnost prijema radnika drugih profila koji bi uz prekvalifikaciju našli posao u ovoj kompaniji.



Grb Općine Kalesija

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

TOMISLAVGRAD DOBIO MILION EURA ZA PROJEKT KULTURNA RUTA BEČARCA I GANGE

Projekt prekogranične saradnje pod nazivom "Kulturna ruta bečarca i gange", kojeg su uspješno prijavili Grad Pleternica (RH) kao nositelj projekta i Općina Tomislavgrad kao partner u projektu, uspješno je ocijenjen od nadležnih tijela EU. Osim njih, partneri u projektu su i Kulturno informativni centar (KIC) Tomislavgrad te Turistička zajednica i Poduzetnički inkubator grada Pleternice. Kako je na tiskovnoj konferenciji kazao načelnik tomislavgradske općine Ivan Vukadin, vrijednost ukupnog projekta je oko 2,35 miliona eura, s tim da će 85 posto sredstava biti sufinansirano od strane EU, dok je 15 posto njihovog vlastitog učešća.

"Grad Pleternica je prije nekoliko godina zaštitio naziv bečarca i Muzeja bečarca kao jedinog takvog muzeja u svijetu, dok je to Općina Tomislavgrad izvela s Muzejom gange... i oni su kao takvi ušli pod zaštitu UNESCO-a", kazao je Vukadin, dodavši da je iz tog razloga ovaj projekt i prijavljen na projekt prekogranične suradnje te uspješno ocijenjen. Po njegovim riječima, cilj je ovakvog projekta održavanje nematerijalne kulturne baštine bečarca i gange koja će postati kulturno turistička atrakcija, kako grada Pleternice, tako i općine Tomislavgrad, popraćena jedinstvenom turističkom infrastrukturom.



Pratite našu
web stranicu

"Što se tiče infrastrukture u Pleternici i Tomislavgradu, predviđeno je da se ovim sredstvima grade središnji gradski trgovi i obilježavaju šetnice bećarca, zatim šetnica hajdučke družine u Tomislavgradu, te uređenje fasade na zgradi KIC- a u Tomislavgradu.

Osim toga, za obje destinacije se izgrađuje krovni interpretacijski plan razvoja, idejni projekt uređenja budućih muzeja bećarca i gange i hajdučke družine za posjetitelje", naglasio je Vukadin. Također, projektom je zamišljeno provođenje edukativnih aktivnosti - promocija destinacija, umrežavanja s istim i sličnim lokacijama u EU, brendiranje lokacija, odnosno muzeja i uspostavljanje kvalitetnog sustava za upravljanje destinacijom. "Od ukupno odobrenih sredstava u iznosu od 2,35 milijuna eura, Poduzetnički centar Pleternica i Turistička zajednica Pleternica dobivaju oko 1,35 milijuna maraka, dok Općina Tomislavgrad i Kulturno informativni centar Tomislavgrad dobivaju oko 1 milijun eura po budžetiranju koje su ove dvije prijateljske općine prijavile za prekograničnu suradnju", kazao je Vukadin. Nakon potpisivanja ugovora u planu je detaljno predstavljanje projekta sa svim projektnim aktivnostima i sadržajima koji su u projektu navedeni, kako u Tomislavgradu, tako i Pleternici, a implementacija projekta će trajati dvije godine i četiri mjeseca.



NAČELNIK MIDHAT HUSIĆ PODRŽAO DRŽAVNI PROJEKT ZATVARANJA KOLEKTIVNIH CENTARA U BANOVIĆIMA



Na sastanku predstavnika Općine Banovići održanog 1. februara/ veljače na čelu sa općinskim načelnikom Midhatom Husićem i predstavnicima UNHCR-a, Ministarstva za ljudska prava i izbjeglice BiH, Federalnog ministarstva raseljenih osoba i izbjeglica i Ministarstva za rad i socijalnu politiku i povratak Tuzlanskog kantona otvoreno je pitanje zatvaranja kolektivnih centara na području opštine Banovići. Cilj Projekta je da se na području opštine Banovići izvrši konačno pražnjenje i zatvaranje kolektivnog smještaja,

odnosno da se osobama smještenim u kolektivnom centru i alternativnim smještajima u skladu sa njihovim potrebama i mogućnostima, izgradnjom nove stambene zgrade ili rekonstrukcijom postojećih stambenih jedinica osigura rješavanje stambenog pitanja. „Samim pristankom na otvaranje ovog pitanja dajemo podršku ovom projektu i izražavamo spremnost da uđemo u ovaj projekat što prije, a probleme kao što su imovinsko pravni odnosi zemljišta na kojima se nalaze trenutni kolektivni centri bit će jedan od prioriteta u rješavanju lokalne samouprave i koordinatore ovog projekta“, kazao je načelnik Husić. Projekat "Zatvaranje kolektivnih centara kroz omogućavanje javnih stambenih rješenja", a u okviru projekta CEB II sufinansiran je u cijelosti od strane Razvojne banka Vijeća Evrope, a učešće Općine Banovići ogledalo bi se u obezbjeđenju zemljišta, građevinskih i drugih potrebnih dozvola, komunalnih priključaka i druge potrebne komunalne infrastrukture. Ovo je danas bio prvi sastanak na ovu temu na kome je doneseno nekoliko zaključaka koji se ogledaju u tome da je Općinski načelnik iskazao potrebu za naknadnim uključivanjem u ovaj projekat jer na području opštine Banovići još uvijek postoje 91 porodica koje borave u kolektivnim centrima. Takođe se obavezala Općina Banovići da će u što kraćem roku na dogovorene adrese poslati inicijalno pismo za naknadno uključivanje u projekat CEP II, a Općinski načelnik je iskazao spremnost da izvrši analizu stanja kolektivnih centara i sagleda mogućnosti rekonstrukcije postojećih i izgradnje novih objekata kao i obezbjedi potrebnu infrastrukturu. Zaključcima su određeni za koordinatore projekta Adem Mostaršić i Fuad Brigić koji će dalje voditi aktivnosti ovko ovog projekta. Nakon nekoliko početnih koraka i popunjavanja određenih obrazaca, trebalo bi da uslijedi potpisivanje sporazuma za uspostavljanje mehanizma međusobne saradnje i koordinacije, kao i utvrđivanje pojedinačnih obaveza svake potpisnice u implementaciji ovog Projekta. Sporazumom će se odrediti finansijska vrijednost kao i ostale karakteristike rekonstrukcije i izgradnje potrebnih stambenih jedinica. Uključivanjem u ovaj Projekat Općina Banovići bi trajno riješila pitanje zatvaranja i uklanjanja kolektivnih centara i alternativnih smještaja, a novoizgrađene stambene zgrade bile bi uknjižene u vlasništvo Općine Banovići. Realizacija projekta zatvaranja kolektivnih centara jedan je od uslova za ulazak BiH u Evropsku uniju.



Grb Općine Tomislavgrad



Grb Općine Banovići

GORAŽDE I GERA U NOVOM PARTNERSTVU NA PROJEKTU VLADE REPUBLIKE NJEMAČKE

Prijateljstvo koje datira već dugi niz godina između Općine Goražde i Gere rezultiralo je do sada značajnim projektima, a ta saradnja nastavlja se i dalje. Novi projekat u kojem će ova dva grada biti partneri jeste projekat podržan od strane njemačke vlade. Tim povodom predstavnici Općine Goražde boravili su u periodu od 15.-18. januara/ siječnja u Njemačkoj gdje su učestvovali u radionici koja se tiče partnerskog razvoja jedinica lokalne samouprave jednog svijeta. Jedan od predstavnika Općine Goražde



bila je i pomoćnik načelnika Samira Drakovac koja je u izjavi za medije kazala nešto više o samom projektu: "Mi smo u periodu od 15.-18. januara iz Općine Goražde zajedno sa predstavnicima civilnog društva posjetili Njemačku. Obzirom da Općina Goražde i Gera imaju dugogodišnju saradnju koja ide unazad 20 godina, a svakako tu je i saradnja sa našim Udruženjem građana oboljelih od dječije cerebralne paralize i distrofije, dali su nam velike šanse i mogućnosti da učestvujemo u ovom projektu koji je odredila njemačka vlada. Naime, radilo se o prvoj radionici koja se tiče partnerskog razvoja jedinica lokalne samouprave jednog svijeta pri čemu je to organizovala Servisna služba za jedinice lokalne samouprave jednog svijeta koja radi pri vladi Njemačke. Naime, radi se o prvoj radionici, da kažem pilot projektu koji je nešto novo obzirom da u UN 2015. godine odredile Agendu 2030. koja se tiče globalnih ciljeva održivog razvoja. UN su imali 8 ciljeva koji su se ticali samo nerazvijenih zemalja, kako bi se obezbjedio pravedniji svijet, svijet bez siromaštva, obezbjedili uslovi za svijet koji bi dao više nade i perspektive čitavoj planeti. Tada se već 2015. godine ustanovilo da nije dovoljno i da to nije problem samo nerazvijenih zemalja već da se radi o globalnim ciljevima, pa su oni proširili na 17 globalnih ciljeva i sve zemlje svijeta. Uglavnom, Njemačka je organizovala pilot projekat kojim je željela da obuhvati jedinice lokalne samouprave iz Njemačke i jedinice lokalne samouprave iz zemalja Istočne i Jugoistočne Evrope, a koje nisu u EU. Pored BiH tu je bila prisutna i Srbija po pet gradova i dva grada sa Kosova. Na taj način grad Gera i Goražde su partnerski gradovi i nešto što neovisno o ovim ciljevima pokazalo se kao saradnja, manifestacija zajedničkih ciljeva i problema i bliskost koja postoji bez obzira na nivo razvoja, tako da možemo reći taj odnos je pokazao da postoji ta saradnja, da postoji ta Agenda ali ovaj okvir i mogućnosti nam daju šansu da i ubuduće nastavimo tu saradnju, da ona bude institucionalno ustanovljena i da imamo pomoć njemačke vlade. Dakle radi se tu o projektnim fazama, ravnopravna saradnja uz razmjenu iskustava. Radi se o novom projektu koji je interesantan i za Vladu Njemačke i za čitav svijet, saradnja se odnosi na period od 2 godine, trajat će do 2018. godine, a biće upriličene uzajamne posjete iz Gere u Goražde, iz Goražda u Geru, a kako bi se obezbjedilo ostvarivanje ciljeva globalnog razvoja, koji je ustanovila Agenda 2030. Ono što je interesantno kada je u pitanju Gera i Goražde jeste ta saradnja koja je ustanovljena ranije i koja se može i dalje razvijati. Čitav svijet je vrlo osjetljiv na marginalne grupe u društvu, a to su socijalno osjetljive kategorije, kao što su djeca, bolesni, iznemogli, stari itd. U tom pogledu iz Gere imaju jaka iskustva. Oni su i sami pomogli ovom Udruženju iz Goražda koje je obezbjedilo socijalno zapošljavanje i nešto što smo sami prenijeli na tim radionicama što je i jako interesantno. U tom pogledu mi smo se i opredjelili da ta naša saradnja ide u pravcu cilja koji znači održivi gradovi, razvijene lokalne zajednice koje će voditi računa o svim ovim aspektima lokalnog razvoja. S druge strane imamo potrebu da zajednički djelujemo na problem vezane za klimatske promjene i svakako ta saradnja koja podrazumjeva širok skup djelovanja, bilo da je u pitanju obrazovanje, bilo da je u pitanju borba protiv katastrofa, socijalno zapošljavanje i druge kategorije koje se mogu proširiti na druge oblasti. Pored Goražda iz BiH imamo još 4 grada koji učestvuju u ovom projektu, a to su: grad Sarajevo, Bijeljina, Zenica i Travnik."

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu



Grb Općine Goražde



PREZENTIRAN IDEJNI PROJEKT ZA SANACIJU DEPONIJE KOMUNALNOG OTPADA STRAŽNICA

Djelatnice poduzeća Ecoplan iz Mostara su 3. februara/ veljače posjetile Općinu Čitluk i načelniku Marinu Radišiću, predsjedniku Općinskog vijeća Predragu Smoljanu, te njihovim suradnicima iz općinskih službi i predstavnicima javnih poduzeća prezentirale idejni projekta za sanaciju deponije komunalnog otpada "Stražnica". Za izradu ovog projekta Općina Čitluk je raspisala javni natječaj, nakon čije je provedbe odabran najpovoljniji ponuditelj koji je na sebe preuzeo obvezu izrade traženog projekta za sanaciju deponije komunalnog otpada. Poduzeće Ecoplan iz Mostara izradilo je tri idejna rješenja, tehnološki elaborat i



investicijsko-tehničku dokumentaciju za postupno zatvaranje općinske deponije komunalnog otpada Stražnica, prva faza. A na današnjem sastanku prezentirana su tri idejna rješenja izrađena na temelju tri različita modela sanacije deponija komunalnog otpada.

Sukladno odluci o Planu prilagodbe koji je 2013. godine Općini Čitluk odobrilo Federalno ministarstvo okoliša i turizma, Općini Čitluk je ostavljeno razdoblje od pet godina za izradu projektne dokumentacije i pristupanje sanaciji deponije komunalnog otpada.



Grb Općine Čitluk

U JUNU POČETAK RADA CENTRA ZA RANU REHABILITACIJU DJECE SA AUTIZMOM



Predstavnici MZ Bistarac Donji i UG „Mali svijet“, potpisali su 6. februara/ veljače u kabinetu općinskog načelnika Ugovor o ustupanju prostorija područne škole u Bistarcu u svrhu otvaranja Centra za ranu rehabilitaciju djece sa autizmom i drugim teškoćama u učenju i učešću. UG „Mali svijet“ Lukavac, egistira već 7 godina, na tretmanu je trenutno 80 -oro djece, a taj broj se svake godine povećava. Predsjednica UG „Mali svijet“ Amra Fatušić, istakla je razloge i značaj tretmana rane rehabilitacije, kada je o autizmu riječ.

„Svjetske statistike pokazuju da se na svako 64 rođeno dijete, rađa jedno sa autizmom, a mi možemo potvrditi i to da se broj djece koja se javljaju na tretman u porastu iz godine u godinu. Jedino što može dati rezultate je rana rehabilitacija“. Načelnik Edin Delić je kazao: „Općina je i ranije sufinansirala UG „Mali svijet“ i to ćemo nastaviti i dalje. Naš konačan cilj je pronalaženje sistemskog rješenja za ovu organizaciju.“ Istakao je da rezultati „Malog svijeta“ pokazuju da je evidentna potreba postojanja Centra za ranu rehabilitaciju djece sa autizmom ne samo na području općine Lukavac, nego i šire. Predsjednik Vijeća MZ Bistarac Donji Jozo Tunjić, istakao je da je Vijeće MZ jednoglasno donijelo odluku o ustupanju škole na korištenje UG „Mali svijet“. On je kazao da su sada potrebna finansijska sredstva kako bi se pomoglo udruženju da prilagodi prostor potrebama djece, kako bi se što prije startalo sa radom na novoj lokaciji. Predviđa se da će Centar zvanično početi sa radom u junu mjesecu, nakon adaptacije prostora i infrastrukturnih radova.



Grb Općine Lukavac

FORUM U SARAJEVU: EKONOMIJA JE KLJUČ SVEGA I MORA BITI ISPRED POLITIKE

Ministar vanjske trgovine i ekonomskih odnosa BiH Mirko Šarović kaže kako ekonomski pokazatelji za 2016. godinu nisu tako loši, iako generalno država zaostaje za regionom. Naglašava kako najveći problem predstavljaju loša konkurentnost, ekonomske slobode i prepreke u poslovanju.



Ekonomija mora biti ispred politike, ona mora biti ključ svega, a sve ostalo je gubljenje vremena, istaknuto je 9. februara/ veljače u Sarajevu na otvaranju Ekonomskog foruma koji se održava u organizaciji Ekonomskog fakulteta Univerziteta u Sarajevu. Na Forumu je bila prisutna Vesna Travljanin, direktorica Saveza općina i gradova Federacije BiH. Dekan Ekonomskog fakulteta u Sarajevu Kemal Kozarić kazao je da je Ekonomski fakultet smatrao potrebnim da da svoj doprinos i inicira razgovore predstavnika javnog i realnog sektora, pri tome u njih uključujući i predstavnike akademske zajednice. Kaže kako je veliki

broj pozitivnih primjera iz BiH te da vlasti jednostavno moraju prepoznati ljude iz realnog sektora. Ministar vanjske trgovine i ekonomskih odnosa BiH Mirko Šarović kaže kako ekonomski pokazatelji za 2016. godinu nisu tako loši, iako generalno država zaostaje za regionom. Naglašava kako najveći problem predstavljaju loša konkurentnost, ekonomske slobode i prepreke u poslovanju.

Mladen Ivanić, predsjedavajući Predsjedništva BiH, kaže kako treba praviti ambijent u koji vrijedi investirati, dodajući kako u BiH nije toliko loše jer imamo stabilnu valutu.

"Prioritet je stvaranje povoljnog ambijenta i smanjenje poreza kako bi poboljšali investicije", kaže Ivanić, naglašavajući kako nema stranih investicija dok domaći investitori ne počnu ulagati.

Dodaje kako je u BiH i dalje velika nezaposlenost.

"U BiH je samo jedna ambasada izdala više od 15 hiljada viza jer ljudi ovdje nisu mogli da nađu posao. Smatram kako je Reforma penzionog i zdravstvenog sistema ključ za bolji poslovni ambijent. Program ekonomski reformi je nešto o čemu trebamo imati zajedničke poglede", zaključio je Ivanić.

Denis Zvizdić, predsjedavajući Vijeća ministara saglasan je kako su reforme i modernizacija ključan faktor rješavanja problema u Bosni i Hercegovini. Zvizdić se pohvalio dobrim rezultatima iz Reformske agende. Kazao je da je stepen realizovanih mjera na nivou BiH veći od 40 posto.

"Zaustavljeno je zapošljavanje u javnoj upravi. Provedena je značajna reforma rada koja je dovela do novih radnih mjesta. Izvoz iz BiH se povećao i veći je za 4,8 posto, smanjen je trgovinski deficit, namjenska industrija bilježi rast od 100 posto, izvezli smo voća 130 miliona KM mesa, 70 miliona, ulja 150 miliona KM, rekorde bilježimo i u turizmu", kazao je Zvizdić, dodajući kako poseban akcenat treba staviti na obrazovanje, konkurentnost, odlazak radne snage.

Govoreći o rezultatima u Kantonu Sarajevo, Elmedin Konaković, premijer KS, je kazao kako su sve najavljene reforme imale dobar efekat, tako da je u KS smanjen broj zaposlenih u javnoj upravi za 800 ljudi, a u realnom sektoru povećan za 400 novih radnika.

Ekonomski forum Bosne i Hercegovine 2017. je prvi događaj u našoj zemlji koji će na jednom mjestu okupiti predstavnike najviše izvršne vlasti, poslovne i akademske zajednice, čiji je zajednički cilj unapređenje ekonomskog i poslovnog ambijenta u BiH.

Tako će između ostalih učesnici panela biti: premijer FBiH Fadil Novalić, ministar finansija i trezora BiH Vjekoslav Bevanda, ministar vanjske trgovine i ekonomskih odnosa Mirko Šarović, guverner Centralne banke BiH Senad Softić, direktor Direkcije za evropske integracije BiH Edin Dilberović, profesori na Ekonomskom fakultetu u Sarajevu Zlatko Lagumdžija i Dženan Đonlagić, predsjednik Udruženja stranih investitora u BiH Branimir Muidža, kao i mnogi drugi.

Kako je rečeno, ovaj događaj ima višestruke vrijednosti za bh. društvo, posebno zbog činjenice što će prvi put na jednom mjestu kroz otvoreni dijalog vlada, realni i javni sektor, svaki iz svog ugla djelovanja, razgovarati o problemima i prilikama s kojima se susreću te pokušati usvojiti konkretne prijedloge i smjernice koje će biti stavljene na raspolaganje kreatorima ekonomskih politika u BiH.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Pratite našu
web stranicu

OPĆINA CENTAR ORGANIZIRA ODLAZAK OSNOVACA U NARODNO POZORIŠTE

Zahvaljujući finansijskoj podršci Općine Centar Sarajevo i tokom februara 2017. godine nastavljene su posjete učenika osnovnih škola sa područja Centra predstavama u sarajevskom Narodnom pozorištu. Planirano je da tokom ovog mjeseca oko 700 učenika i 30 nastavnika iz deset osnovnih škola besplatno pogleda sedam predstava. Riječ je o zajedničkom projektu koji traje od 2009. godine i ima za cilj da djeci približi pozorišnu umjetnost i vrijednosti koje ona promovira. Istovremeno, sredstva koja Općina izdvaja Narodnom pozorištu za tu namjenu, od velikog su značaja za kvalitetniji rad ove institucije kulture. Učenici devetog razreda osnovnih škola „Silvije Strahimir Kranjčević“, „Nafija Sarajlić“ i „Musa Ćazim Ćatić“ u ponedjeljak 6. februara/ veljače ove godine imali su priliku pogledati komediju Branislava Nušića „Ožalošćena porodica“, u režiji Ahmeda Imamovića. Nušićeva komedija, u kojoj rodbina iščekuje otvaranje testamenta, postaje borba za snove i pravo na život. Ta borba je bespoštedna i sva sredstva su dozvoljena, a učesnici nemaju šta da izgube osim snova o nasljedstvu za koje su na trenutak povjerovali da im pripada. Performans kompanije Janis Brenner pod nazivom „Once you are not a stranger“, sa originalnom muzikom kompozitora Svjetlane Bukvich, pogledat će u petak 10. februara na sceni Narodnog pozorišta u Sarajevu učenici devetog razreda Osnovne škole „Vladislav Skarić“. Učenici devetih razreda osnovnih škola „Katolički školski centar“ i „Hasan Kikić“ će u utorak, 14. februara 2017. godine gledati operu „Zmaj od Bosne“, koja je posvećena liku i djelu Husein-kapetana Gradaševića, u režiji gosta iz Hrvatske, Ozrena Prohića, prema libretu Nijaza Alispahića i kompoziciji Asima Horozića. Izvođenju baleta „Mare Nostrum“ koji je nastao u koreografiji Davida Bombane, na muziku koju je odabrao Jordi Savall prisustvovat će u srijedu 15. februara 2017. godine učenici devetog razreda Osnovne škole „Hasan Kaimija“ i učenici osmog razreda osnovnih škola „Isak Samokovlija“ i „Alija Nametak“. Naime, tema je dijalog istoka i zapada kroz muziku kršćana, muslimana i Jevreja Mediterana. Baletnu predstavu „Travelogue“ koju izvodi Modern Dance Theatre Istanbul (MDTist), državne opere i baleta iz Turske, čiju koreografiju potpisuje Beyhan Murphy iz Istanbula, gledat će u 17. februara 2017. godine učenici devetog razreda Osnovne škole „Nafija Sarajlić“. Predstava je inspirisana zapisima Evlije Čelebije - kroz putovanje savremenog plesa koji se publici nudi na višedimenzionalnom putovanju kako prošlosti i sadašnjosti, kroz istraživanje unutrašnjih i vanjskih svjetova, uz upotrebu savremenih pokreta, književnosti i filma.



Planirano je da tokom ovog mjeseca oko 700 učenika i 30 nastavnika iz deset osnovnih škola besplatno pogleda sedam predstava. Riječ je o zajedničkom projektu koji traje od 2009. godine i ima za cilj da djeci približi pozorišnu umjetnost i vrijednosti koje ona promovira.

NA IGMANU I BJELAŠNICI 450 DJEVOJČICA I DJEČAKA UČIT ĆE SKIJATI



Škola alpskog skijanja za učenike šestog razreda osnovnih škola s područja općine Novi Grad Sarajevo počela je danas na Malom Polju na Igmanu. Tehnike ovog najraširenijeg i najpoznatijeg zimskog sporta, na svježem planinskom zraku učit će 450 učenika iz svih novogradskih osnovnih škola. Škola alpskog skijanja je projekat koji Općina Novi Grad provodi u saradnji sa KJP ZOI 84 s ciljem razvijanja zdravih navika kod učenika, kao i ljubavi prema našim olimpijskim planinama i zimskim sportovima. Škola će se odvijati u tri grupe, a učenici će skijati na Malom Polju na Igmanu i u Babinom Dolu na Bjelašnici. Za rad sa polaznicima škole zaduženi su licencirani instruktori, a za sve učenike osiguran je i prijevoz od škole do skijališta, kao i kompletna skijaška oprema, hrana i topli napitak. Petodnevna škola trajat će do 26. februara, a u prvoj grupi na igmanskom Malom Polju školu skijanja pohađaju učenici osnovnih škola „Fatima Gunić“, „Meša Selimović“, Mehmedalija Mak Dizdar“, „Mustafa Busuladžić“, „Osman Nakaš“ i „Džemaludin Čaušević“. Cilj projekta je da se učenicima tokom zimske sezone omogući boravak na snijegu kako bi usavršili osnovne elemente skijanja, te kroz takmičarske aktivnosti jačali volju, upornost i odlučnost. Za realizaciju ovog projekta iz općinskog budžeta izdvojeno je 40.000 konvertibilnih maraka.



Grb Općine Novi Grad Sarajevo



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

facebook

Savez općina i gradova Federacije

Gledajte Savez općina i gradova Federacije Bosne i Hercegovine na

Pratite Savez općina i gradova FBiH na

You Tube

g+

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

U MOSTARU ĆE SE ODRŽATI 1. FESTIVAL KAFE, ČOKOLADE I DELICIJA



Prvi festival kafe, čokolade i delacija na kojemu će se predstaviti najnoviji trendovi iz slastičarstva održavat će se 1. i 2. aprila u Hrvatskom domu hercega Stjepana Kosače u Mostaru. Svrha je festivala predstaviti i približiti široj publici, male i velike, domaće i svjetske proizvođače kafe i čokolade te direktno povezivanje proizvođača i potrošača, kao i poslovnih subjekata iz područja proizvodnje kafe i čokolade, hand-made čokolaterstva i slastičarstva. Na festivalu će se predstaviti najnoviji trendovi u ovoj industriji te prezentirati proizvodi koji su tradi-

cionalno povezani s kavom i čokoladom (pjenušci, vina, rum, rakija, kozmetika...). "Očekujemo da će ovo događanje uvelike pridonijeti turističkoj promociji Mostara i svrstati ga na kartu gastronomskih metropola, a sam užitak ispijanja kave staviti na piedestal, mjesto kakvo i zaslužuje", kazala je organizatorica festivala Dea Leko. Tokom festivala organizirat će se kuharske, zatim slastičarske radionice, radionice za bariste i degustacije, a u ponudi će se naći najbolje od najboljih iz Bosne i Hercegovine i regije. Festivalna satnica bit će prepuna događanja, od radionica na kojima će se izrađivati praline, macaronsi i prigodni čokoladni pokloni do prezentacija najnovijih trendova u svijetu slastičarstva i posebnog kutka za djecu. Organizatori se nadaju kako će posebnu pažnju privući Kulinarški show s poznatim osobama iz javnog života te gostovanje Marinka Biškića čija je tvrtka 'Nadalina' 2012. proizvela čokoladnu gramofonsku ploču s kompozicijom "Ona više ne stane tu". Mladi umjetnik Martin Frlić radić će akvarel od kafe, mozaik od zrna kafe, kao i čokoladnu 3D skulpturu. Festival će se održavati pod posebnim pokroviteljstvom Vlade Hercegovačko-neretvanske županije u partnerstvu s Vanjsko-trgovinskom i Gospodarskom komorom Federacije Bosne i Hercegovine.



Grb Grada Mostara